



Martha Lund Olsen
Inatsisartunut ilaasortaq

§ 37 naapertorlugu apeqqummut nr. 48/2018-imut akissut

Aallarniutigalugu Inatsisartut suleriusaanni § 37 naapertorlugu atornerluisunik katsorsaaneq pillugu apeqquteqaravit qutsavigerusuppakkit.

Naalakkersuisunut apeqqut:

1.

Naalakkersuisup §37 najoqqutaralugu apeqquteqaatinnut akissuteqaamminni innersuuppaat tusagassiutitigut ataatsimiinneq uge 17-imi 2015-imi pisimasoq, tamannalu tunngavigalugu Naalakkersuisut inussiarnersumik qinnuvigaakka tusagassiutitut ataatsimiinnermi imaqarniliaq kopiinngorlugu uannut nassiateqqullugu?

Akissut.

Sapaatip-akunnerani 17/2015 tusagassiortunik katersortitsinermit piumaneqartoq tapullugu ilanngupparput.

Naalakkersuisulli erseqqissarusuppaat 2015-imi sapaatip-akunnerani 18-imi, 17-imiunngitsaq, tusagassiutitut nalunaarummut innersuussigatta. Tusagassiutitut nalunaarut aamma uani atuarneqarsinnaavoq:

<http://naalakkersuisut.gl/kl-GL/Naalakkersuisut/Pisut/2015/04/misbrugsbehandling>

2.

Tusagassiutitigut ataatsimiisitsinermit saqqummiussatigut erserpa, Allorfiup akisussaafigilersimagaat aalajangersinnaallugu atornerluisut siunissami sumi aamma qanoq katsorsarneqartalissasut?

Akissut.

Tusagassiortunik katersortitsinermit eqqaaneqanngilaq Allorfiup aalajangissagaa siunissami atornerluisunik katsorsaaneq sumi qanorlu ingerlanneqassasoq.

Naalakkersuisulli erseqqissarusuppaat inatsisissatut siunnersuummi aalajangiisinnatitaaneq Allorfimmut tunniunneqaraluartoq inatsisissatut siunnersuummi malittarisassat naapertorlugit katsorsaaneq pillugu aalajangiisoqassamat.

3.

Tusagassiutitigut ataatsimiisitsinermit arlaatigut ersersinneqarpa, siunissami akeqanngitsumik katsorsartittoqarnissaa innuttaasut ilaannut atuutsinneqartussaangitsut, tamatumani pinerluttunik isumaginnittoqarfiup iluani tigummisat ilanngullugit?

23-02-2018
Suliap nr. 2017 - 28588
All. nr. 7263019

Postboks 1160
Oqa.: 34 50 00
Fax: 34 55 05
3900 Nuuk

Email: pn@nanog.gl
www.naalakkersuisut.gl

Akissut.

Tusagassiortunik katersortitsinermit ersinngilaq siunissami akeqanngitsumik atornerluisunik katsorsaasarneq nunatsinni innuttaasunut tamanut, taakkununga pinerluttut pinerluttunik isumaginnittoqarfiup ataaniittut ilanngullugit, atuutissanngitsaq. Atornerluinermik katsorsaaneq neqeroorutaavoq innuttaasunut tamanut atuuttoq, aamma innuttaasunut Kalaallit Nunaanni Pinerluttunik Isumaginnittoqarfiup isertitsiviani innuttaasunut atuuppoq. Kalaallit Nunaanni Namminersorlutik Oqartussat atornerluinermik katsorsartinneq aningaasalersorpaat, kisianni Naalakkersuisut isumaqarput Kalaallit Nunaanni Pinerluttunik Isumaginnittoqarfiup ataani isertitat Naalagaaffimmit aningaasartuutigineqassasut, pinerluttunik isumaginnittoqarfik oqartussaaffiummat sulii tiguneqarsimanngitsaq.

4.

Naalakkersuisut akuerisaat uge 17-imi, 2017-imi saqqummiunneqartumi imatut paasineqarsinnaasumik allaqqasoqarpa, atornerluisut katsorsagassat pinerluttut isumaginnittoqarfiani tigummisaappata, akeqanngitsumik katsorsartinneqarnissaminnut periarfissaqartitaanngivissut?

Akissut.

Saqqummiussami allassimanngilaq atornerluisut pinerluttunik isumaginnittoqarfiup ataaniittut akeqanngitsumik atornerluinermik katsorsarneqarnissamut periarfissaqartitaanngivissut.

5.

Innuttaasut katsorsagassat pinerluttut isumaginnittoqarfiani tigummisaasut akiliutissaat kommunenut ingerlateqqinniarnearpat? Imaluunniit akiliutaasut Peqqinnissaqarfimmut immikkut isertitatut naatsorsuullugit inissinneqaannarumarpat?

Akissut.

Kommuninut aningaasartuutaalernissaannik aningaasartuutillu taakkua peqqinnissaqarfimmut isertitanngornissaannik apeqquut Naalakkersuisut paasinngilaat.

6.

Naalaakkersuisut isumaat naapertorlugu, taava pingaarnuva pinerluttut isumaginnittoqarfianiittunut tunngatillugu Justitsministeria immikkut ittumik akiliisissallugu, uffa Nunatta innuttai maani najugaqartut assigiimmik pineqartussaasut, kinaagaluarpalluunniit?

Akissut.

Naalakkersuisut isumaqarput isertitsivinni isertitat katsorsarneqarnerannut aningaasalersuineq qallunaanit isumagineqassasaq. Justitsministeriap Socialministeria aamma Sundhedsministeria qinnuigai isertitat atornerluinermik katsorsarneqarnerat, tassunga aningaasatigut akisussaaffik ilanngullugu, Kalaallit Nunaata tigusimaneraa nalilersoqqullugu. Justitsministeria nalunaarpoq 2018-ip aallartinnerani tamanna qulaajarneqarsimassasaq naatsorsuutigalugu. Tamanna pillugu Naalakkersuisut akissummik tigusaqanngillat.

7.

Aningaasartuutissanut Inatsisimmut 2016-imi oqaasertaliussani, pinerluttut isumaginnittoqarfiani tigummisat pillugit allaqqasoqarami akeqanngitsumik katsorsarteqqusaassanngitsut?

Akissut.

Naamik, Aningaasanut Inatsisimmut 2016-imut oqaasertaliussani eqqaaneqanngilaq pinerluttunik isumaginnittoqarfiup ataani pinerluttut akeqanngitsumik atornerluinermik katsorsarneqarsinnaassanngitsut.

8.

Innuttaasut naligiimmik pineqarnissaat tamanut atuutsinneqanngila tamatumani pinerluttut aamma eqqarsaatigalugit, pisortatigut akiliuutaasartunut tamanut, peqqinnissaqarfiup tunniuttagai minillugit?

Akissut.

Innuttaasut tamarmik, aamma pinerluttut, pisortanit ikiorsiissutinut tunngatillugu naligiimmik pineqartarnissaat atuuppoq. Susassaqarfik tiguneqarsimanersoq tiguneqarsimannginnorsorluunniit uani assigiinngissutaavoq. Susassaqarfik, soorlu pinerluttunik isumaginnittoqarfik, tiguneqarsimanngippat atornerluinermik katsorsaaneermut aningaasartuutit qallunaat naalagaaffiannit isumagineqartussaapput.

9.

Naalackersuisut arlaatigut Inuit Pisinnaatitaaffiisa Siunnersuisooqatigiiviniit pinerluttunik immikkoortitsineq eqqarsaatigalugu isornartorsiorneqarsimappat?

Akissut.

Naalackersuisut ilisimangilaat Inuit Pisinnaatitaaffii pillugit Siunnersuisooqatigiivisa Naalackersuisut pinerluttunik immikkut pinninnerat pillugu isornartorsiorsimaneeraat.

Ilanngullugu oqaatigineqarsinnaavoq Institut for Menneskerettigheder-ip Inuit Pisinnaatitaaffiinut Kalaallit Nunaata Siunnersuisooqatigiivi suleqatigalugit nalunaarussiaq "Kalaallit Nunaanni inuit Pisinnaatitaaffii – killiffik 2016" saqqummersissimmamagu. Nalunaarussiaami kapitalimi 7-imi "Eqqartuunneqarneq nammineersinnaajunnaarsitsinerlu naapertuilluartut"-mi Institut for Menneskerettigheder aamma Inuit Pisinnaatitaaffiinut Kalaallit Nunaata Siunnersuisooqatigiivisa nunatsinni isertitsivinni isertitat pisinnaatitaaffiinik qanoq pitsaanerulersitsisoqarsinnaanera pillugu arlalinnik kaammattuuteqarpoq. Nalunaarussiaq uani takuneqarsinnaavoq:
<https://menneskeret.dk/udgivelser/menneskerettigheder-groenland-status-2016>

Inussiarnersumik inuulluaqqusillunga

Agathe Fontain